

Naalakkersuisut aalajangiiffigisassatut siunnersuut una Inatsisartut suleriaasianni § 33 naapertorlugu matumuuna saqqummiuppaat:

Uunga siunnersuut: Inatsisartut aalajangiiffigisassaattut siunnersuutigineqarpoq, Naalakkersuisut skatteministerimut nalunaarutigisinnaagaat, Namminersorlutik Oqartussat akuersaarmassuk Aningaasanoorutit ilaat pillugit Kalaallit Nunaannut inatsisip allanngortinneqarnissaanik siunnersuut manna, inatsisiliornikkut teknikkikkut allannguteqartoqarsinnaavoq

(Aningaasaqarnermut Aatsitassanullu Naalakkersuisoq)

Siullermeerneqarnera

Aningaasanoorutit ilaannit iluanaarutit pillugit Kalaallit Nunaannut inatsisip allanngortinnissaanik qallunaat skatteministeriata Namminersorlutik Oqartussanut 2016-mi juunimi allagaqarpoq.

Siunnersuutip siunertarivaa, aningaasartuuteqarfissami 2017-miit aningaasanoorutinit Kalaallit Nunaanni neqeroorutigineqartunit Namminersorlutik Oqartussat ukiumoortumik nuunneqartartut pisassaasa qaffanneqarnissaat.

Siunnersuut, aningaasat Kalaallit Nunaata aningaasanoornermut atatillugu pisartagai pillugit akileraartarnermut ministerip nassuiaataa nr. R 15, 13. april 2016-imeersoq tunngavigalugu suliaavoq. Nassuiaat Folketingip internetikkut nittartagaatigut tamanut saqqummiunneqarsimavoq (www.ft.dk).

Aningaasanoorutit ilaannakuusumik namminersortunngorsaavigineqarnerata 1. januar 2012-imi atuutilersup Kalaallit Nunaannut aningaasatigut sunniuteqarnerlunnginnissaa Kalaallit Nunaannut nuussisarnerup qulakkeerpa. Taamaammat Naalagaaffik aningaasanik, danskit naalagaaffiata Kalaallit Nunaanni aningaasanoornermit isertittagaasut missingersorneqartunut naapertuuttut 2012-imi nuuttarpai.

Nassuiaat R 15 naapertorlugu missingersorneqarsimavoq danskit naalagaaffiata Kalaallit Nunaanni aningaasanoornermit isertittagai Namminersorlutik Oqartussanut maannamut nuunneqartartunit amerlanerusut.

Taamaammat aningaasat 40.000.000 koruuniniit (2015-imi kisitsisit) 43.250.000 koruuninut (2015-imi kisitsitit) qaffanneqarnissaat, taamatullu qummut millioni koruuninut qaninnernut akunnaallineqarnissaat siunnersuutaavoq. 2012-miit 2015-mut qallunaat nunaata Kalaallit Nunaanniit aningaasanoornernit ersertitsagaatut missiliuutaapput, tamatumani Danske Spilip Kalaallit Nunaanni aningaasanoorutitigut iluanaarutimisut nalunaarsugaat tunngaviullutik, Kalaallit Nunaanni eqqoriaasitsinernit internetikkullu aningaasanoornernit akileraarutissatut missingersorneqartut tamarmiusut aamma selskabip akileraarutaasa ilaasa Kalaallit Nunaanni ani-ngaasanoornermeersutut missingersorneqartut aallaavigalugit.

Aningaasaqarnikkut allaffissornikkullu pisortanut sunniutissai

Allannguutissap kingunerissavaa, 2017-mi aningaasanut inatsimmi sunniuteqaatigissavaa Namminersorlutik Oqartussat aningaasaliissutaasa 4 mio. koruuninik nikinnissaat, imaalisammat 40.000.000 koruuninut 44.000.000 koruuninut qaffanneqassallutik. Toqqammaviumik aningaasaliissutit ukiunut aningaasaliiffisunut tulliuttunut aamma ajunngitsumik sunniuteqas-

sapput. Inatsisartut aalajangiiffigisassatut siunnersuut una akuerippassuk, tamanna allannguutissatut siunnersuuteqarnikkut 2017-imut Aningaasanut Inatsimmut ilanngunneqassaaq.

Inuussutissarsiutinik ingerlataqartunut aningaasatigut allaffissornikkullu sunniutissai
Siunnersuut inuussutissarsiutinik ingerlataqartunut pitsaanngitsumik aningaasatigut allaffissornikkullu sunniuteqartussaangilaq.

Innuttaasunut aningaasatigut allaffissornikkullu sunniutissai
Siunnersuut innuttaasunut pitsaanngitsumik aningaasatigut allaffissornikkulluunniit sunniuteqartussaangilaq.

Tusarniaaneq
Inatsisissatut siunnersuutip ilaata kingusissumik tigunerata malitsigisaanik, ukiumut nuunneqartartussat annertuseriaataannut tunngasoq 2016-mi juuni 17-niit juulip 29-nut tusarniutaavoq.

Tusarniummut tusarniuteqarfiit arlaannaalluunniit oqaaseqaateqangilaq.

Taama oqaaseqarlunga siunnersuut Inatsisartunut suliassanngortippara.

Ilanngussaq
Aningaasanoorutit ilaat pillugit Kalaallit Nunaannut inatsisip allanngortinneqarneranik inatsisissatut siunnersuutip allaqqaarneqarnera